



mjesečni Bilten

decembar
prosinac
2019.

247

omladinska mreža bosne i hercegovine

Dragi prijatelji/ce,

Predstavljamo vam **decembarsko** izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **186** organizacija i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.omladina-bih.net



SADRŽAJ

Aktivnosti u decembru 2019.	2
Planovi za januar 2020..	5
Aktivnosti članova mreže	7
Saopštenja/informacije/donatori/pozivi.....	15

Uživajte u čitanju!

AKTIVNOSTI ORC/HCA U DECEMBRU 2019.



MAČKOGRAD

08. decembra, na Sonom trgu u Tuzli, u sklopu manifestacije "Mačkograd" naše mačke su promovisale aktivnosti iz prethodnih 6 mjesecu u projektu „Građani protiv terorizma“.



Predivni ambijent Sonog trga je sa našim mačkama ugostio oko 1000 građana Tuzle, koji su uz redovne aktivnosti Caffe bara Slobode imali mogućnost i da se zabavljaju uz vrhunsku muziku i mnogo zanimljivosti koje su za građane pripremili naši vrijedni mačići kao što su CAT baloni, mačije uši, Instagram okvir sa kojim su se mogli fotografisati svi prisutni, zatim igra „Lošizam“, gdje su građani imali priliku simbolično gađati čarapama pojmove kao što su: fašizam, nacionalizam, ekstremizam itd. Bila su tu i tri naša štanda na kojima su građani mogli da uzmu letke koje su volonteri djelili na kojima mogu pročitati više o čitavoj CAT kampanji. Na ulazu se nalazio canvas gdje sus vi prolaznici imali priliku upisati neku poruku mira i ljubavi.

Animatorice iz [Kiki Klau](#)n ekipe su bespoštedno, tokom čitavog dana, nasmijavale naše najmlađe sugrađane, te uz šminku i igri upotpunile ovo lijepo nedjeljno popodne.

Na postavljenoj bini u Mačkogradu - probranu muziku su vrtili Fm Jam-ovi DJ-evi Elick & Shadow Kid, a građani su uz kupone naših mačaka uživali u kafi, sokovima i čaju u dvorištu i kućicama Slobode.



Veliki interes osnovnoškolaca i srednjoškolaca, ali i njihovih roditelja izazvao je tuzlanski Youtube-er "VedoX" - Vedad Haličević. Youtube atrakcija je uz druženje sa svojim fanovima snimao čitav događaj, koji će biti dostupan na njegovom [kanalu](#). Veliku pomamu je izazvalo prisustvo Uličnog mađioničara iz Gračanice - [Amira Havića](#). Svoju čaroliju je podijelio i sa gostima i gošćama Mačkograda, a o kakvoj čaroliji je riječ - pogledajte na njegovom [Youtube](#) ili "[fejsbuk](#)" profilu.



Video kako je bilo na Mačkogradu možete pogledati [ovdje](#).

AKCIJA ZA POMOĆ MIGRANTIMA U TUZLI



Učenici **JU Poljoprivredne i Medicinske škole Brčko**, u suradnji sa **Omladinskim resursnim centrom Tuzla** organizovali su u **Brčkom humanitarnu akciju** prikupljanja odjeće, obuće i konzervirane hrane za **migrante** u Tuzli.

Prikupljena odjeća, obuća i hrana je 16. decembra predata migrantima u Tuzli. Želja nam je bila pomoći migrantima, ali isto tako pružiti podršku mladim ljudima, koji samostalno iniciraju pozitivne aktivnosti u svojoj zajednici.

Također, dati im do znanja da nisu usamljeni u vremenima, kada sve veći broj građana svoju podršku pruža samo na internetu.

Iz razgovora sa njom smo saznali da smo prva organizovana grupa mladih ljudi, koja se javila da pomogne.



Povodom ove akcije razgovarali smo i sa maturanticom **Ajnom Redžić**, koja nam je ispričala kako je došlo do same akcije: *“Na ideju za ovu humanitarnu akciju je došao učenik naše škole, koji je istu predložio na vijeću učenika, a ja sam se kao aktivni član vijeća naše JU Poljoprivredne i medicinske škole rado odazvala te sa velikim oduševljenjem prihvatila da budem jedan od organizatora. U ime učenika, naše škole, se zahvaljujem svim dobrim ljudima koji su nam pomogli u prikupljanju velikog broja donacija, te se nadamo uspješnim akcijama ovog karaktera u narednom periodu.”*

Omladinska grupa ORC Tuzla

Prevenција etnonacionalizma u Bosni i Hercegovini



Atlantska inicijativa uz podršku Holandske ambasade započinje projekat prevencije etnonacionalizma u Bosni Hercegovini. Projekat između ostalog uključuje intenzivnu saradnju s organizacijama civilnog društva koje rade na ovim pitanjima. Prva aktivnost koja je planirana projektom je istraživanje i analiza etnonacionalizma u Bosni i Hercegovini. Prvi sastanak istraživača održao se u Sarajevu

27. Decembra 2019. Godine gdje je učešće uzeo Slobodan Blagovčanin.

SASTANAK KOALICIJE ZA BORBU PROTIV MRŽNJE

U prostorijama OSCE-a u Tuzli 20. Decembra sa početkom u 11 sati održan je sastanak koalicije za borbu protiv mržnje. Na sastanku su učestvovali predstavnici TOC-a, MIOS-a, AMICA EDUCA i predstavnik Omladinskog Resursnog Centra Tuzla Duško Majkić.



Na sastanku se razgovaralo o aktivnostima koje su sprovedene u 2019-toj godini, te i o aktivnostima koje bi trebale biti sprovedene u 2020-toj godini. Za predstojeće aktivnosti bit će sačinjen detaljan plan, a članovi koalicije će biti blagovremeno obavješteni.

REDOVNE AKTIVNOSTI ORC I HCA TUZLA

Tokom decembra radili smo na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte.

PLANOVI HCA/ORC-A ZA JANUAR 2020.

- Nastavak implementacije nove kampanje - „CAT 19“. U okviru ovog projekta nastavićemo sa implementacijom globalne on-line i off-line kampanje po Bosni i Hercegovini, pripremom nagradnih igara, kao i odabiranjem najboljih radova u formi: kratke priče, mima i promotivnih materijala kampanje.
- Nastavak apliciranja za projekte i učešće u partnerskim projektima u regiji



ŽELI VAM

ČESTIT BOŽIĆ I SRETNU NOVU GODINU!

Neka vam 2020. godina unese mnogo radosti u život.

AKTIVNOSTI ČLANICA OMLADINSKE MREŽE BiH



Udruženje za društvena istraživanja i komunikacije - UDIK

Ul. Grbavička 51, 71000 Sarajevo

Tel./fax: +387 33 978 600; +387 33 978 605

E-mail: official.udik@outlook.com; official.udik.brcko@outlook.com

Web: www.udik.org; www.udik-brcko.org

Proces suočavanja s prošlošću: izazovi i rezultati



U nedjelju 1. decembra Udruženje za društvena istraživanja i komunikacije (UDIK) organizovalo je seriju predavanja pod nazivom „Proces suočavanja s prošlošću: izazovi i rezultati“. Predavanja su održana u Sarajevu i obuhvatila su nekoliko oblasti: pitanje nestalih osoba u Bosni i Hercegovini, spomeničku kulturu i građansku memorijalizaciju, te ulogu medija u procesu suočavanja s prošlošću. Predavači su bili: Edvin Kanka Ćudić, UDIK Sarajevo, Lejla Čengiđ, Institut za nestale osobe Bosne i Hercegovine i Ibro Čavčić, novinar. Učesnici predavanja su bili predstavnici nevladinog sektora, predstavnici lokalnih vlasti, udruženja porodica žrtava i mladi aktivisti.

Kroz seriju predavanja, zajednički dijalog i razmjenu iskustava nastojalo se odgovoriti na brojna pitanja: Da li građanska memorijalizacija doprinosi pomirenju u zajednici? Koja su rješenja pitanja nestalih osoba? Da li postoje kontroverzni spomenici i kakvi su? Koliko je važna uloga medija u procesu suočavanja s prošlošću?

Tokom sesije predavanja nastojalo se sagledati stvarno stanje procesa suočavanja s prošlošću u našoj zajednici i doći do korisnih zaključaka. Naredna serija predavanja biće organizovana u februaru 2020. godine.



Institut za
razvoj mladih KULT



Ul. 4. Viteške brigade

34 – 36 BA, 71210 Ilidža, Sarajevo

Tel: +387 33 778 778.

Fax: +387 33 778 79

E-mail: kult@mladi.org, web:

www.mladi.org

Više od stotinu mladih obilježilo Međunarodni dan volontera

Institut za razvoj mladih KULT organizirao je događaj **#YOUTHinkBiH**, kojim je obilježen **Međunarodni dan volontera 5.12.2019. g.** promovirajući poseban angažman mladih lidera/ica, omladinskih radnika/ca i službenika/ca za mlade u protekloj godini. Na događaju se okupilo više od stotinu mladih i predstavnika različitih institucija koje rade i brinu o mladima. Učesnici događaja ponudili su konkretna rješenja koja bi provodili u lokalnim zajednicama. Tri najbolja prijedloga dobit će finansijsku i mentorsku podršku Instituta u narednoj godini. Sve nagrađene ideje su iz oblasti ekologije, jedni će pokrenuti Eko boxove u marketima, drugi će uspostavljati eko kutke za eko trenutke, a treći će kreirati hotspotove za prikupljanje otpada koji će se potom selektirati u sekundarne sirovine.



Događaj #YOUTHinkBiH je svojevrsna nagrada za mlade koji su kroz cijelu godinu svojim volonterskim angažmanima doprinikli kvalitetnijem društvu i boljem okruženju za sve nas. Institut je u proteklih godinu dana podržao desetine inicijativa i biznisa koje su pokrenuli mladi, a koji su se predstavili tokom događaja.

#YOUTHinkBiH organiziran je uz podršku Ambasade Kraljevine Švedske u BiH, a predstavnici Ambasade izrazili su veliku zahvalnost jer imaju priliku sudjelovati na važnom događaju za mlade iz cijele BiH i izjavili kako smatraju da je rad s volonterima veoma važan posao ne samo za omladinu u BiH, već i za institucije koje trebaju stvoriti bolje uslove za razvoj mladih u cijeloj zemlji.

Institut za razvoj mlade KULT poziva mlade političare/ke da se prijave na obuku UMiDp, generacija 3



Institut za razvoj mladih KULT raspisao je Javni poziv za učešće na obuci za omladinske političke lidere/ice, pod nazivom UMiDp. Institut će po javnom pozivu odabrati polaznike/ce za pohađanje obuke UMiDp, koja će se sastojati od tri petodnevna modula iz tri oblasti političkog sistema u BiH i djelovanja u njemu, razvoja političkog imidža i političko zagovaranje i pregovaranje za rješavanje problema i potreba mladih. Svi polaznici/e imat će priliku dobiti finansijsku i mentorsku podršku za provedbu svojih ideja kroz lokalne građanske inicijative.

Da biste se prijavili na obuku potrebno je da pošaljete svoj Curriculum Vitae (CV), člansku kartu političke stranke ili drugu dokumentaciju koja potvrđuje članstvo i online popunjen prijavni

obrazac, koji je dostupan na linku: <http://mladi.org/myURL/umidp3generacija>

Podnosilac/teljica prijave može dostaviti i dodatnu dokumentaciju za koju smatra da može biti značajna prilikom bodovanja svih pristiglih prijava.

Poziv je otvoren **do petka, 12. 1. 2020. g. do 22.00 sata**. Eventualna pitanja mogu se postaviti putem emaila na samir.mahmic@kultbih.org, (Predmet/subject: Upit, 17.01.0-N2.1-4182) ili putem telefona na +387 33 778 765.

Institut za razvoj mlade KULT pružio podršku u razvoju robotske ruke

Haris Salkić je mladi preduzetnik koji pokreće vlastitu kompaniju HAS Robotics koja će se baviti razvojem i proizvodnjom robotskih ruku u svrhe edukacije, a već sada imaju prvi prototip HAS One. Haris kaže da će se u budućnosti baviti razvojem industrijskih robota, a želja mu je da posljedna faza zapravo bude primjena robotskih ruku u medicinske svrhe. Institut za razvoj mladih KULT pružit će finansijsku i mentorsku podršku Harisu u razvoju njegove biznis ideje.

Haris je istaknuo da mu je podrška Instituta i Ambasade Kraljevine Švedske veoma značajna i da će sva sredstva uložiti u razvoj biznisa. Registracija kompanija bi trebala biti početkom aprila kada možemo očekivati i prve proizvode na tržištu, a Haris ističe da su prednarudžbe trenutno dostupne i da već sada imaju nekoliko prodanih robotskih ruku.

S obzirom da robotika u BiH nije najpopularnija grana industrije Haris kaže da je javnost veoma zainteresirana za njegovu ideju. Tvrdi da mu je podrška javnosti veliki podstrek za buduće djelovanje i neka vrsta dokaza da je ispravno ovo što radi.

HAS Robotics će biti prva firma koja će se baviti ovom vrstom djelatnosti u jugoistočnoj Evropi, a pored njih tu su još dvije firme u Francuskoj i jedna u Velikoj Britaniji, što je veliki uspjeh za mladog bh. preduzetnika.

Harisova poruka mladima je da nikad ne odustaju od svojih snova, da se trude, bore i rade na ispunjavanju svojih snova, a tada uspjeh sigurno neće izostati.



**OMLADINSKA ORGANIZACIJA "SVITAC"**

Ul. Jusufa Čampare bb, 76100 Brčko Distrikt BiH

Tel./Fax: +387 49 211 032

E-mail: svitac@gmail.netWeb: www.svitac.orgFB: www.facebook.com/omladinska.svitac

Dnevne radionice

Omladinska organizacija Svitac je nastavila sa svakodnevnom aktivnostima po redovnom rasporedu, prva grupa učesnika od 11:00-13:00 uzrasta od 4-7 godina, a druga grupa učesnika od 14:00-15:30 uzrasta 8+. Mlađi učesnici su kreirali edukativne stvari uz pomoć lokalnih i međunarodnih volontera. Grupa najmlađih učesnika je imala priliku napraviti razne dekoracije: pauna od papira, kišobran uz radni list i bojanje, bojanje po brojevima, te niz aktivnosti na temu tolerancija: slagalice na temu tolerancija i drugarstvo, cvijeće - bašta tolerancije i krune mira. Kao i prošlog mjeseca, vježbali smo riječi na engleskom jeziku na temu mir. Učesnici su takođe nastavili vježbati abecedu - slova Ć, D, Đ i DŽ i brojeve od 1-10. Na muzičkim radionicama su učili pjesmicu: „Kroz oblake sanke lete“, te su vježbali pjesmicu na engleskom jeziku „I have got peace in my heart“ („Imam mir u svom srcu“), pjesmicu na njemačkom jeziku „Alle meine Entchen“ („Sve moje patkice“), i korake za ples uz pjesmicu „Šapice mi zeko daj“. U okviru redovnih aktivnosti, takođe smo imali slušanje priča: „Ivica i Marica“, „Vuk i sedam jarića“, „Riba duginih boja,“ (ova priča je bazirana na temi prijateljstvo i prihvatanje drugačijeg), a pogledali smo i lutkarsku predstavu prilagođenu uzrastu učesnika. Drugi dio radionice je namijenjen za relaksaciju, osvježanje, jogu, sportske i razne takmičarske igre. Cilj ovih aktivnosti kao i do sada je da djeca razviju maštu i da koristeći razne materijale izraze svoju kreativnost, te da razviju motoriku, osjećaj tolerancije i poštovanje prema drugima i usvoje lijepo ponašanje.

Učesnici druge radionice (14:00-15:30), za uzrast 8+, su vrijedno učestvovali u raznim aktivnostima. Ponedjeljkom je kreativno izražavanje, utorkom su učesnici vježbali engleski i njemački jezik, srijedom su crtali i čitali stripove, četvrtkom su se družili uz sportske aktivnosti, društvene i teambuilding igre, a petkom su nastavili raditi na slobodnim temama kreativnog izražavanja. Cilj i ovih aktivnosti je da učesnici razviju maštu i da koristeći razne materijale izraze svoju kreativnost, razviju motoriku, osjećaj tolerancije, poštovanje prema drugom i usvoje lijepo ponašanje. Koordinator radionica je bio Adin Midžić uz asistenciju lokalnih, Weltwärts i EVS/ESC međunarodnih volontera. Sve aktivnosti se održavaju u Omladinskom centru Brčko distrikta.

Radionice gitare

Učesnici radionice gitare su uvježbavali etide F.Tarrege, M.Guilania, kompozicije R. Dyensa, H.V.Lobosa i D.Bogdanovića, molsku bluz improvizaciju u različitim tonalitetima, melodiju i harmoniju jazz standarda „Four“ (Miles Davis), „Odu Radosti“ (L.V. Beethoven) i hrvatsku narodnu pjesmu (međimurje) „Rožica sem bila“.

Radionice sambe

Učesnici ove radionice su nastavili rad na novoj kompoziciji – radni naziv „The Pump“. Kompozicija je u G-molu nešto sporijeg tempa sa tekstom na temu siromaštva. Tekst strofe i refrena napisali su učesnici.

ECO – PROJEKAT

Članovi ekološkog projekta su održali par kraćih sastanaka, uglavnom na temu trenutnih i budućih aktivnosti i akcija u gradu, te sadnje mladica, za koju su tokom prošlih mjeseci prikupljena finansijska sredstva.

Međunarodni dan volontera

Međunarodni dan volontera smo obilježili sa članovima Lokalnog tima Brčko distrikt (AsuBiH) u radu sa drugarima uzrasta 4-7 godina. Čitali smo priču "Ružno pače" i razgovarali o tome kakav je osjećaj biti drugačiji, kako trebamo poštovati različitosti i pomoći kada je neko u nevolji.



Omladinska organizacija je takođe održala "čajanku" sa lokalnim i međunarodnim volonterima, gdje smo razgovarali o važnosti volontiranja i podijelili lična iskustva. Uz topao čaj, razgovor i smijeh podvukli smo ono najvažnije, a to je da dobra djela ne zahtijevaju mnogo vremena, a nekome mnogo znače. Sve aktivnosti su održane u Omladinskom centru Brčko distrikt.

Međunarodni dan ljudskih prava



10. decembra obilježili smo Međunarodni dan ljudskih prava radionicom na kojoj smo učesnicima od 4-7 godina govorili o temi "Ljudska prava". Kroz igru je naglašena važnost jednakosti i samih mogućnosti, te smo pokazali da je nepravedno kada neka djeca dobiju sok, a neka ne. U razgovoru su naučili da je njihova odgovornost i međusobno pomaganje u održavanju ljudskih prava i poštovanja. Nakon toga dobili su radni list kako bi ga obojili, pokazujući balon napunjen vrućim zrakom sa riječima "naša prava" u kojem je bilo mnogo različitih djece. Ovaj je radni list naglasio da sva

djeca, svih rasa i religija, mogu živjeti i igrati se zajedno. Na poledini stranice naučili su slova koja zajedno čine riječ "čovjek".

U popodnevним satima održana je i interaktivna radionica za uzrast 15+. Pogledali su video o tome kako su se do sada razvijala ljudska prava i sa kojima su se izazovima susretali. Na kraju je uslijedila kratka rasprava o tome kako ljudska prava utiču na nas u svakodnevnom životu.

Radionice su održane u prostorijama Omladinskog centra.

Tolerancija i kulturna raznolikost kroz muziku, umjetnost i sport 2019.

U okviru projekta održan je niz muzičkih, kreativnih i sportskih radionica koje su promovisale kulturnu raznolikost, vrijednosti tolerancije i uzajamnog poštovanja. Na ovaj način se podstaklo kreativno izražavanje

zajednici kojoj pripadaju. Projekat je trajao od 25. novembra do 14. decembra 2019. godine i održan je na području Brčko Distrikta, u prostorijama Omladinskog centra. U projekat je direktno bilo uključeno 60 djece, tinejdžera i mladih sa područja Brčko distrikta.



Novogodišnja zabava

Omladinska organizacija Svitac je projekat „Tolerancija i kulturna raznolikost kroz muziku, umjetnost i sport 2019“ zvanično zatvorila eventom „Novogodišnja zabava“, koji se održao u prostorijama Omladinskog centra. Novogodišnja zabava je počela u 18:00 časova za uzrast 8+. Uz pomoć međunarodnih i lokalnih volontera organizovan je zanimljiv program za učesnike radionica, njihove prijatelje i roditelje. U prvom dijelu programa učesnici su izveli kompozicije na klasičnim gitarama i flauti; par mlađih učesnika je pročitao poeme o prijateljstvu, ljudskim pravima i toleranciji. Najmlađi učesnici su izveli tri pjesme i ples „Šapice mi zeko daj“. U drugom dijelu zabave su održane dvije stanice gdje su učesnici imali priliku da učestvuju u raznim takmičarskim igrama, da naprave novogodišnju čestitku ili da ukrase drvo želja ručno napisanim željama. U velikom holu Omladinskog centra je postavljena izložba svih radova, koji su nastali u proteklim sedmicama projekta. U završnom dijelu zabave se održala tombola uz razne nagrade, te je upriličena i zakuska. Novogodišnju zabavu je posjetilo više od 120 gostiju.



Za januar se planira nastavak svih redovnih radionica Omladinske organizacije Svitac.



PRONI Centar za omladinski razvoj

Ul. Hadži Vasvije Zejčirović 5, 76100 Brčko distrikt BiH

Tel./Fax: +387 49 217 695

E-mail: info@proni.ba

www.proni.ba

Konferencija o pomirenju i izgradnji povjerenja u BiH

PRONI Centar za omladinski razvoj već 21 godinu radi na procesima pomirenja u Bosni i Hercegovini, koristeći omladinski rad, neformalno obrazovanje, volonterizam, aktivizam i projekte mobilnosti mladih. Učestvovali smo u radu konferencije o pomirenju i izgradnji povjerenja u BiH koju organizuje Fondacija Max Planck za međunarodni mir i vladavinu prava, a uz podršku Ministarstva vanjskih poslova Njemačke. Konferencija se organizuje kako bi se omogućio dijalog između ključnih aktera u Bosni i Hercegovini o pomirenju i izgradnji povjerenja skoro 25 godina nakon potpisivanja Dejtonskog sporazuma.

SREĆAN MEĐUNARODNI DAN VOLONTERA!

PRONI je proslavio dan volontera u PRONI Omladinskim klubovima u Sarajevu, Banja Luci, Mostaru i Bijeljini!



Volontirati u PRONI Centru ukratko predstavlja: "Hvala #proniyouth na svim proteklim mjesecima, na druženju, pozitivnoj energiji, novim iskustvima, divnim prijateljstvima i prilici da budem dio ove nevjerovatne organizacije. VOLIM VAS LJUDI"

Čestitamo volonterima godine za 2019. a to su: Kukic Sara, Benisa Bibuljica, Anja Pejić i Mersiha Čomor !

Poziv za učesnike/ce

PRONI objavljuje poziv za nove polaznike #PAOR programa.

PRONI Akademija Omladinskog Rada ima za cilj pružiti mladim ljudima osnovna znanja iz oblasti omladinskog rada kako kako bi doprinjeli ličnom i društvenom razvoju mladih ljudi u Bosni i Hercegovini, te ih uključili u različite društveno – političke procese koji se tiču mladih ljudi.

Sve informacije o programu i način prijave: www.proni.ba

Erasmus+ info dan

#PRONI kao Contact Point BiH Erasmus+ YOUTH i Evropske Snage Solidarnosti za BiH organizovao je u PRONI Omladinskom klubu Banja Luka Info dan o programima mobilnosti i trening za pisanje Erasmus+ projekata.



Ovaj Info dan i trening je organizovan u saradnji sa SALTO YOUTH South East Europe Resource Centre iz Ljubljane i Ministarstvom civilnih poslova BiH.

Aktivnosti u PRONI Omladinskim Klubovima

POK SARAJEVO

- Aktivno se realizuje radionica „Samopouzdanje-pobjeda prije početka“
- Aktivno se realizuje radionica „Zdravi životni stilovi“
- Aktivno se realizuje radionica „Prezentacijske vještine“
- Aktivno se realizuje radionica "Partnerski odnosi u emotivnim vezama"

POK MOSTAR

- Aktivno se realizuje radionica „Za ljepši Mostar“
- Aktivno se realizuje radionica „Akademija Storytelling-a“
- Aktivno se realizuje radionica „I TEBE se tiče“

POK BIJEJINA

- Učesnici #POKBN radionice "Rom znači čovjek" prisustvovali su filmu „Moj grad, moja pravila“ i po završetku istog, uradili su ankete i upoređivali sličnosti koje su uočili na radionicama sa scenama iz filma.
- Aktivno se realizuje radionica "Životne vještine"

INFORMACIJE / DONATORI / POZIVI

Poziv za projekte Ambasade SAD: Program međuetničkog pomirenja i omladinskih kampova

Tražimo prijave projekata za direktan angažman sa mladima koji izričito promoviraju interakciju, razvoj tolerancije i pomirenja između vjerskih i geografski različitih zajednica Bosne i Hercegovine.

Tražimo aplikacije za srednje i velike projekte omladinskih kampova (**više od 50 sudionika zajedno u trajanju od najmanje četiri uzastopna noćenja u nekom međuetničkom okruženju**) namijenjene izričito za promicanje interakcije, razvoj tolerancije i pomirenja između vjerski i geografski raznolikih zajednica Bosne i Hercegovine. **Aplikanti moraju biti sposobni pokazati dosadašnji učinak u organiziranju kampova slične veličine sa sudionicima iz oba entiteta, svih etničkih grupa i bh. manjina.**

Prijedlozi projekata trebaju imati za cilj stvaranje saradnje sa drugim grupama zainteresiranim za sljedeće teme i/ili se odvijaju na niže navedenim područjima:

Prioritetne teme:

Inicijative na područjima nauke, preduzetništva i zapošljavanja mladih koje povezuju razdvojene zajednice: Okupljanje susjednih ili obližnjih zajednica koje su od rata imale malo kontakta radi poboljšanja zapošljivosti mladih putem razvoja vještina.

Podijeljeno obrazovanje / Dvije škole pod jednim krovom: Rad sa roditeljima i učenicima u školama duž entitetskih / etničkih linija na rješavanju pitanja koja učenike dijele po etničkoj osnovi. Ovi bi projekti trebali pomoći uklanjanju prepreka integracije u obrazovanje.

Projekti koji se bore protiv dezinformacija: Okupljanje mladih preko etničkih osnova kako bi se razvilo kritičko mišljenje, medijska pismenost u borbi protiv dezinformacija.

Marginalizovane grupe: Projekti koji promoviraju saradnju među marginalizovanim manjinskim grupama iz različitih etničkih zajednica, uključujući (ali ne ograničavajući se na) raseljene osobe, osobe sa invaliditetom, socijalno ekonomski ugrožene osobe, LGBT osobe, Rome i druge.

Prioritetna područja: Projekti koji ostvaruju i promoviraju saradnju mladih iz različitih etničkih zajednica u sljedećim područjima:

Brčko distrikt

Federacija BiH:

Kanton 1: Bihać, Cazin

Kanton 3: Srebrenik, Kladanj

Kanton 4: Zenica, Zavidovići

Kanton 6: Jajce, Uskoplje / Gornji Vakuf i Donji Vakuf

Kanton 10: Livno, Glamoč, Drvar

Republika Srpska:

Istočna Hercegovina

Regija Birač

Prijedor

Rok prijavljivanja: Petak, 24. januar/siječanj 2020. godine

[Poziv-za-projekte-Ambasade-SAD-kampovi-za-mlade-decembar-2019](#)



Javni poziv za projekte Dijaloga za budućnost

U sklopu Regionalnog programa "Dijalog za budućnost", objavljujemo Javni poziv za projekte. U pozivu mogu učestvovati javne ustanove, jedinice lokalne samouprave i organizacije civilnog društva iz Bosne i Hercegovine, Crne Gore i Republike Srbije.

Projektne prijedlozi se primaju do 9. februara u 17 sati a više detalja o pozivu, dokumentaciji za prijavu projekata i info danima možete naći ovdje.

Regionalni program Dijalog za budućnost počeo je u januaru 2019. godine, a zajednički ga sprovode UNDP, UNICEF i UNESCO, u partnerstvu sa državnim institucijama u Bosni i Hercegovini, Crnoj Gori i Republici Srbiji. Program finansira Fond Ujedinjenih nacija za izgradnju mira.

Regionalni program Dijalog za budućnost počeo je u januaru 2019. godine, a zajednički ga sprovode UNDP, UNICEF i UNESCO, u partnerstvu sa državnim institucijama u Bosni i Hercegovini, Crnoj Gori i Republici Srbiji. Program finansira Fond Ujedinjenih nacija za izgradnju mira.

Dokumenti:

[1 Obrazac projektnog prijedloga](#)

[2 Budžet](#)

[3 Logicka matrica](#)

[4 Plan aktivnosti i promocije](#)

[5 Administrativni podaci](#)

[6 Finansijski identifikacioni formular](#)

[7 Izjava o podobnosti](#)

[8 Izjava o partnerstvu](#)

[Poziv za dostavljanje projektnih prijedloga RegDFF](#)

Više informacija: http://procurement-notices.undp.org/view_notice.cfm?notice_id=62265

Program OCD i medijima za BiH 2019. – Podrška postojećim i novonastalim mrežama OCD u različitim oblastima

Generalni cilj ovog poziva za prijedloge projekata je ojačati kapacitete OCD-a kako bi doprinosile društvenom razvoju u specifičnim sektorima.

Nastoji se osnažiti civilno društvo u cilju ispunjavanja sljedećih ključnih uloga:

- Stvoriti jače veze prema građanima putem njihovog uključivanja u procese donošenja javnih politika, posežući za društvom kao cjelinom, uključujući marginalizovane grupe i lokalne zajednice i putem poticanja građanskog aktivizma i učešća javnosti u donošenju politika;
- Postati profesionalni i pouzdani partneri u donošenju javnih politika i u reformskim procesima putem praktikovanja zagovaranja utemeljenog na dokazima u svim sektorima i putem monitoringa reformi;
- Doprinijeti jačanju odgovornog i inkluzivnog liderstva u političkoj, ekonomskoj i društvenoj sferi i pružati rano upozorenje u slučaju društvene promjene;
- Jačati ekonomski razvoj i stvoriti bolje veze sa poslovnom zajednicom putem promovisanja preduzet., socijalnih inovacija i stvaranja radnih mjesta.
- Glavna pitanja koja će se rješavati ovim programom su:
- Dijalog između vladinog i nevladinog sektora je slab i nije institucionalizovan na svim nivoima.
- Učešće građana u procesima donošenja javnih politika i odluka na lokalnom nivou je sporadičan i nije institucionalizovan.

- Kapaciteti OCD-a, posebno na lokalnom nivou, su i dalje slabi.
- OCD dovoljno ne doprinose u borbi protiv korupcije i podršci socio-ekonomskom razvoju.
- Slobode medija i dalje su ugrožene i moraju se osigurati i ojačati.

Ukupni indikativni iznos koji je na raspolaganju za prijedloge projekata je **5.500.000 EUR**.

Nazivi 11 grupa – Podrška mrežama OCD u oblasti: Grupa 1: **Obrazovanje**; Grupa 2: **Zdravstva**; Grupa 3: **Socijalna inkluzija i socijalno preduzetništvo**; Grupa 4: **Ekologija i klimatske promjene**; Grupa 5: **Mladi**; Grupa 6: **Kultura**; Grupa 7: **Preduzetništvo i lokalna ekonomija**; Grupa 8: **Ženska prava**; Grupa 9: **Slobode i integritet medija**; Grupa 10: **Korupcija**; Grupa 11: **Jačanje političkog pluralizma**.

Indikativna finansijska sredstva po grupi iznose 500.000 EUR.

Sve dodatne informacije i dokumentaciju u vezi sa Javnim pozivom potražite na:

<https://webgate.ec.europa.eu/europeaid/online-services/index.cfm?ADSSChck=1576580519338&do=publi.detPUB&searchtype=QS&orderby=upd&orderbyad=Desc&nbPubliList=15&page=1&aoref=167126>



Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesečni bilten:

**Omladinski resursni centar Tuzla
Hadži Bakirbega Tuzlića 1
75000 Tuzla
tel/fax: 035 258 077
e-mail: orcuzla@bih.net.ba**

*Mjesečni bilten uređuje
Omladinski resursni centar - ORC
Tuzla*

*Urednik Biltena:
Mirela Biković*

*Prevod Biltena na engleski: **Emir Karamujić***

*WEB stranica Mreže:
www.omladina-bih.net*

*Mejling lista Mreže:
posta@omladina-bih.net*

*Webmaster:
emir.delalic@gmail.com*